

**DI 8 EDICION ANUAL DI
DIABETES RUN & WALK A
UNI COMUNIDAD Y RECAUDA
FONDO PA JUMP18**



WWW.SOLODIPUEBLO.COM



SOLODIPUEBLO@GMAIL.COM

E SOÑO A BIRA REALIDAD: CURACAO A CLASIFICA PA PROME BIAHA PA MUNDIAL



**TANTO COALICION A CRITICA
GABINETE WEVER CROES DIALUNA
MANERA LAMCHI TUR A APROBA
E MANEHO Y A VOTA "VOOR" PA
EXPLOITATIEJAARREKENING 2019**



**PARLAMENTARIO
XIOMARA MADURO
TA FELICITA
DEPARTAMENTO
DI FINANSA CU
LANSAMENTO DI NAN
WEBSITE NOBO WWW.
FINANCE.GOV.AW**



Orario di servicio Diamars 25 november 2025

En connexcion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico Diamars, dia **25 november 2025** entre **8:30 di mainta pa 12:30 di merdia**. BCA lo ta habri bek pa publico na e horario usual parti atardi entre **1:00 di merdia pa 5:00 di atardi**.

Aruba, 20 november 2025
Banco Central di Aruba

ARIBA 20 DI NOVEMBER 53 SCOL NA ARUBA LO HISA BANDERA DI 131 ARUBA

Ariba 20 di november, dia Internacional di Derecho di Mucha, 131 Aruba ta celebra 26 aña di existencia aki na Aruba.

Banda di e servicjonan di telefon, email y chat, 131 Aruba ta brinda servicio di charla, workshop, proyecto y training na muchanan, hobenan y docentenan na tur scolnan aki na Aruba.

E scolnan na Aruba ta partnernan importante den e trabao cu 131 Aruba ta haci. E scolnan, e docentenan, e muchanan y hobenan ta parti di e exito di 131 Aruba. Pa medio di informacion preventivo cu e muchanan, hobenan y docentenan ta ricibi for di 131 Aruba durante charla, workshop, proyecto y training, hopi problema ta ser evita efectivamente.

De cuadro di e celebracion di dia Internacional di Derecho di Mucha y 26 aña di existencia di 131 Aruba, un total di 53 scol ful rond di Aruba ta lanta e bandera di 131 aruba ariba dia 20 di november. Cu lantamento di e bandera di 131 Aruba, e scolnan ta muestra nan apoyo y gradicimento pa e trabao cu 131 Aruba ta implementa na e scolnan.

131 Aruba kier a gradici e scolnan na Aruba y su otro partnernan cu ta tuma nan impacto social na serio y ta inverti den e muchanan, hobenan y famia aki na Aruba. Un gradicimento ta bay na Setar N.V., Aruba Airport Authority N.V., WEB Aruba N.V., The Salamander Group, Aruba Hotel and Tourism



STATEN VAN ARUBA

OPENBARE VERGADERING OP 24 NOVEMBER 2025 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening tot vaststelling van de begroting van de Raad van Advies voor het dienstjaar 2026;
2. Initiatief-Ontwerp-landsverordening tot vaststelling van de begroting van de Ombudsman van Aruba voor het dienstjaar 2026;
3. Initiatief-Ontwerp-landsverordening tot vaststelling van de begroting van de Algemene Rekenkamer voor het dienstjaar 2026;
4. Initiatief-Ontwerp-Landsverordening tot vaststelling van de begroting van de Staten van Aruba voor het dienstjaar 2026.

De Plv. Griffier,

mw. J.S. Briceno, MSc.

Association, Telearuba, Marriott Resort Aruba, Vacation Aruba.com, New India Assurance, N.V. ELMAR, The Movies y MetaCorp N.V. cu ta haci hopi trabao di 131 Aruba

posibel.

Pa mas informacion tocante e trabao di 131 Aruba den scolnan na Aruba por tuma contacto cu 131 Aruba via nos

website: 131.aw, facebook: <https://www.facebook.com/aruba.131/>, email: 131aruba@gmail.com of telefon 5886138/ 5884011.

Parlamentario Endy Croes:

TANTO COALICION A CRITICA GABINETE WEVER CROES DIALUNA MANERA LAMCHI TUR A APROBA E MANEHO Y A VOTA “VOOR” PA EXPLOITATIEJAARREKENING 2019

Parlamentario Endy Croes a elabora riba e reunion publico di dialuna ultimo unda a trata un ley “vaststelling di e saldo di exploitatierekening di aña 2019” y alabes a haci un coreccion riba e saldo di aña 2018. Exploitiatierekening ta un resumen di henter aña di tur bo entrada y gasto (operacional) den e caso aki di Pais Aruba di aña 2019.

Saldo di 2019 y Saldo di 2018

Durante reunion publico di dialuna ultimo Parlamento na final a aproba e “saldo” di exploitatierekening di aña 2019 (-4.3 miyon). Alabes a aproba hunto cu esaki un coreccion riba e saldo di exploitatierekening di aña 2018 cual tabata (-144 miyon) cual awor a bira (-139 miyon).

E coreccion di aña 2018 a bin como consecuencia di entre otro DOW kende no a finalisa na tempo boekingnan administrativo di nan cuenta courant. Esaki a wordo aproba 17 di december 2020 pero a resulta awor cu mester haci un corecion. Memorie van toelichting ta cita duidelijk e mehoracion entre aña 2018 y 2019 esta e trabou di Gabinete Wever Croes 2 ta notable. “Dit resultaat is een “forse” verbetering ten opzichte van het bereikte resultaat van 2018.”

Mientrastanto jaarrekeningnan di aña 2020, 2021, 2022, 2023 a wordo entrega na Algemene Rekenkamer y pronto lo wordo trata. Coalicion na final a vota na favor esta “Voor” e jaarrekening 2019 y e coreccion den 2018 aprobando asina e maneho di Gabinete Wever Croes 1. Pronto finanzas di Aruba lo ta completamente actualisa y al dia al respecto di tur su jaarrekening nan. Danki na e esfuerso grandi di Gabinete Wever Croes 1 y 2 y sigur nos ex minister di finanzas y tur e profesionalnan cu ta e motornan pa haci esaki posibel.

Exploitiatierekening 2019 como parti di e ciclo presupuestario

E proceso aki ta forma parti di e ciclo presupuestario. Pues pa ley gobierno mester entrega presupuesto di e aña siguiente prome cu 1 di september cual mester wordo trata den Parlamento prome cu aña termina pa asina habri aña cu un presupuesto aproba. Gabinete Wever Croes 2 a percura pa inicia e trayecto pa drecha procesonan coregi locual mestwer a wordo coregi. Asina a logra cuminsa entrega presupuesto conforme ley na tempo desde aña 2023 y mester bisa 2024, 2025 tambe a wordo entrega

conforme ley.

Importante den e proceso y ciclo aki pa gobierno duna cuenta esta leg af rekening en verantwoording. E parti cu gobierno pa ley mester “duna cuenta” na Parlamento di Aruba ta wordo haci door di entrega bo jaarrekening. Pa cumpli cu esaki Algemene Rekenkamer tambe tin su rol unda mester haci su investigacion prome riba dicho aña y ora esaki ta cla Parlamento ta trata esaki den un reunion publico cu presencia di e Minister di Financien y profesionalnan pa asina Parlamento por debati haci preguntanan nesario y na final aproba e saldo di e exploitatierekening den e caso aki di aña 2019. Asina aproba e “saldo” ta bira tambe e final di e proceso di e periodo ey pues di aña 2019.

Gobierno trahando pa yega na un goedgekeurde accountantsverklaring Gabinete Wever Croes 1 a asumi responsabilidad desde final di november 2017. Manera pueblo por corda a encontra un Mega Debe cu AVP a laga atras y un chaos administrativo financiero. Nos por corda e rapport Bo Aruba (2018) di Algemene Rekenkamer cu a bay extenso riba 1600 miyon na proyectonan masha mal administra.



A lora manga di camisa y a cuminsa traha pa mehoracion y pa cumpli cu nos leynan. Na 2019 a logra pone e fundeshi di un finanzas publico solido y responsabel. Un trayecto cu lo tuma su tempo y lamentablemente 2020 Covid 19 a bati na porta y a cambia prioridadnan den momento asina dificil. Sinembargo nada a descurasha Gabinete Wever Croes 2 pa continua cu su vision y procesonan y e trayecto pa logra Jaarrekeningnan aproba cu accountantsverklaring. X Minister Xiomara Maduro y su conseheronan tabata vital den e proceso aki.

Na Directie Financien a implementa e 3 lines model (interne beheersing), a

standarisa y uniformisa e sistema di duna informacion financiero y a desaroya regla y normanan pa administratie pa por logra esaki. Si tur cos ta bon pa cu aña 2026 Aruba lo por yega na su prome jaarrekening cu un goedgekeurde accountantsverklaring. No tabata facil pero cu determinacion lo yega akinan. Ta comtento cu gobierno actual a brasa e maneho di Gabinete Wever Croes 2 y a sigui cu esaki.



E SOÑO A BIRA REALIDAD: CURACAO A CLASIFICA PA PROME BIAHA PA MUNDIAL

KINGSTON.— Ayera anochi den stadion nacional di Jamaica, selekshon di Kòrsou a logra klasifiká pa promé biaha den historia pa un Mundial. Esaki a yega despues ku nan a logra un empate na 0-0 kontra Jamaica. Stadion tabata yen ku 35 mil hamaikano, pero tambe tabatin mas ku 200 hinch di Kòrsou ku a duna anima durante henter e wega.

Den promé mitar, Kòrsou a tin un bon chens, pero lamentablemente esei no a bira gol. Jamaica tambe a krea algun oportunidad; un promé mitar bastante balanceá. E dos ekiponan a bai rest den un 0-0.

Na di dos mitar Jamaica a tuma kontrol di e wega, miéntras Kòrsou tabata hunga mas na kontraatak. Eloy Room a trese hopi salbashon, i na algun momentu bal a dal den palu tambe. Jeremy Antonisse a mete bal na e 72 minüt, pero e gol a anulá pa motibu di posishon adelantá (offside).

Rond di 80 minüt, Kòrsou a kuminsá defendé e empate ku hopi esfuerso, ora Juriën Gaari a drenta den lugá di Jürgen Locadia. Nervio di tur hinch a subi ora na 90+6 minüt e rèfri



a fluit pa un pinalti kontra Kòrsou riba un supueso falta di Antonisse. Pero despues di revisá VAR, e pinalti a anulá.

Poko despues rèfri a fluit pa final di e wega—i historia a krea. Kòrsou pa promé biaha ta klasifiká pa un Mundial, huntu ku e titulo di pais mas chikí ku a logra esaki. Un aktuashon verdaderamente tremendo.

Varios hungadó tabata sobresalí den e wega:

Eloy Room, Shurandy Sambo, Armando Obispo, Livano Comenencia, i Leandro Bacuna, tur ku un gran trabou pa tene e portería limpi.

Awor Kòrsou ta warda sorteo pa Mundial 2026, ku lo tuma lugá na Washington dia 5 di desèmber. E selekshon di Kòrsou a laga un stamp histórico: no so klasifiká, pero a hasi esaki invikto: for di 10 wega nan a gana 7 biaha i a empate 3.

MINISTER WENDRICK CICILIA TA ANUNCIA E REGRESO DI CARUBBIAN DEN E CAYANAN DI SAN NICOLAS



cu musica, cultura y e ambiente vibrante cu ta haci Aruba unico. E prome edicion ta trece un line up emocionante cu ta priminti un anochi inolvidabel:

Stage na entrada:

- Touch of Steel

Stage principal

- DJ Eli
- N' Fuzion
- Tsunami
- DJ Sky
- Groove Masters

“Caribbean ta representa comunidad, cultura y e curason di San Nicolas. Nos ta entusiasma pa yama tur hende bonbini bek pa celebra hunto”, asina Minister



Cicilia a expresa.

Ta curasha e publico pa yega trempan, trece nan miho vibe

y disfruta di un anochi yena cu ritmo, sabor y energia di nos isla.

Minister di Turismo, Transporte y Labor, mr. Wendrick Cicilia, orguyosamente ta anuncia cu Caribbean Festival ta oficialmente bek den e cayanan di San Nicolas. Diahuebs awo 20 di november, San Nicolas lo bolbe haya un bida

PARLAMENTARIO XIOMARA MADURO TA FELICITA DEPARTAMENTO DI FINANSA CU LANSAMENTO DI NAN WEBSITE NOBO WWW.FINANCE.GOV.AW

Den marco di Dia Internacional di Comptabilidad observa dia 10 di november ultimo, ex-Minister di Finansa y actual Parlamentario, Xiomara Maduro, ta expresa su felicitacion na Departamento di Finansa pa e lansamento di nan website nobo: www.finance.gov.aw.

Cu e plataforma nobo aki, Aruba tin finalmente un punto unico na unda tur

informacion financiero di nos pais ta reuni den un manera, transparente, moderno y accesibel.

Esaki ta representa un logro hopi importante den direccion di transparencia financiero cu ta un herment esencial pa fortalece e confiansa publico y internacional den Aruba.

E paso strategico aki ta un recomendacion cu

IMF a duna den cuadro di nan evaluacion di Aruba su economia y finanzas, y cu ta yuda den e desaroyo continuo pa sigura bon gobernacion y transparencia den finansa publico.

Awor cu Parlamento lo mester bay trata Presupuesto 2026, ta un bon momento pa tur interesado tira un bista riba e website y keda bon informa cu tur informacion

relevante pa e debate.

Parlamentario Maduro ta felicita e team dedica di Departamento di Finansa pa nan trabou consistente, entrega y commitment pa modernisa e manera cu Aruba ta presenta y maneha su data financiero.

“Danki di curason pa boso entega y boso esfuerso continuo na bienestar di Aruba,” ta palabranan cu Maduro ta extende na tur



empleado di Departamento di Finansa.

CU BISTA RIBA UN AÑA IMPORTANTE PA COA Y #TEAMARU

Presupuesto y Plan di Maneho 2026 lo wordo trata durante e Asamblea General

Den cuadro di bon gobernansa y transparencia cu tur federacion miembro y comunidad deportivo di Aruba, Comité Olimpico Arubano (COA) lo tene nan siguiente Asamblea General dia 06 di december proximo. Durante e asamblea aki, lo trata e presupuesto y plan di maneho pa 2026 ademas di algun otro punto di interes. Manera ta conoci, proximo aña lo ta uno cu hopi evento grandi pa COA, entre otro posibel participacion na 4 diferente Weganan di e ciclo Olimpico.

Ademas di esaki, lo tin un parti hopi interactivo, unda lo conclui e “Capacity Building Training” su di dos fase, unda lo tin diferente federacion miembro cu lo bay presenta nan proyecto den cuadro di planificacion strategico. Cu esaki ta termina un paar di luna di curso unda cu a duna diferente tayer a traves di profesionalnan local cu a comparti



conocemento clave pa e proyecto. Finalmente, ta duna e espacio pa por tin dialogo entre tur “stakeholder” presente, pa asina haci uso di e plataforma aki pa intercambia idea y comparti informacion importante pa tur hende. Ta importante como federacion miembro pa participa, pa asina ricibi tur informacion actualisa y por ta parti di e oportunidad pa combersa cu otro. #TEAMARU



De Minister van Justitie en Sociale Zaken is voornemens in het openbaar aan te besteden, het door Land Aruba te financieren project:

“2^{de} fase Renovatie en Uitbreiding Brandweerpost Oscar te Oranjestad”.

Volgens bestek DOW nr. 07 dj. 2025.

Korte omschrijving van het werk:

- Perceel A: Verbouwing en Uitbreiding Faciliteit E
 1. Verbouwing en uitbreiding voertuigstalling & wasplaatsen;
 2. Verbouwing en uitbreiding chemaliënruimte;
 3. Verbouwing generatorruimte.
- Perceel B: Sloop en Nieuwbouw Faciliteit F
 1. Slopen bestaande voertuigstallingsgebouw;
 2. Slopen bijbehorende kantoorruimte, toilettruimte en open patio;
 3. Nieuwbouw voertuigwerkplekgebouw;
 4. Nieuwbouw bijbehorend faciliteitsgebouw.

Uitvoeringstermijn: **200 werkbare werkdagen** na datum van opdrachtbrief, incl. bestellingstijd.

Het bestek is vanaf **17 november 2025** verkrijgbaar bij DOW tegen betaling van **Afl. 750,00**.

De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **17 november 2025** te DOW bij het Secretariaat van de Directie.

Inlichtingen worden verstrekt op **20 november 2025** om 10.00 uur v.m. te DOW.

De Nota van Inlichtingen wordt vastgesteld op **27 november 2025**.

De openbare aanbesteding vindt plaats op **19 december 2025** om 11.00 uur v.m. op het kantoor van de directeur van de Dienst Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba (niet ouder dan 6 maanden).
2. Bereidheidsverklaring tot het instellen van een bankgarantie of borg.
3. De staat van eenheidsprizen voor verrekening van meer- en minderwerken.
4. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

DI 8 EDICION ANUAL DI DIABETES RUN & WALK A UNI COMUNIDAD Y RECAUDA FONDO PA JUMP18



Botica di Servicio ta orguyoso di anuncia cu e di 8 edicion di Diabetes Run & Walk 2025 a tuma lugar cu exito e diadomingo pasa cu bon solo y un ambiente hopi alegre. E evento a ricibi 1.500 participante, incluyendo coredonan cu a biaha for di exterior pa participa y apoya e causa, haciendo esaki e edicion mas grandi y mas diverso te cu awo.

Coredonan di Aruba y exterior a uni forsa pa muestra apoyo y conscientisacion na e lucha contra diabetes. E causa aki ta hopi importante pa nos isla, ora cu prevalencia di diabetes na Aruba ta casi dos biaha mas halto cu promedio mundial. E ambiente durante e evento tabata yena cu energia, positivismo y orguyo comunal, mientras participantenan

a completa e trayecto den solidaridad cu tur esnan afecta door di diabetes. E evento di e aña aki a recauda AWG 17.500, cu lo wordo dona na Jump18 pa e di tres aña consecutivo. E fondo lo duna sosten na nan programa di cohort cu ta guia mucha cu obesidad of na riesgo pa diabetes. Bou direccion di Dr. Busari y su team, e programa ta ofrece workshop practico y sosten pa un estilo di bida saludabel y duradero pa mucha y famianan.

Botica di Servicio ta expresa un danki grandi na tur participante, boluntario, sponsor CMB, Punta Brabo Diagnostics, Subway, y nos partner di hopi aña Patrishi Sports Aruba, cu a duna sosten den timing y logistica durante e evento.

Nos ta spera pa ricibi tur hende atrobe otro aña pa



un otro edicion inspirado di Diabetes Run & Walk.

Klik e link pa wak mas di nos tremendo evento aki:

Diabetes Run 2025

Parlementario Shailiny Tromp-Lee:

TA KICO MIKE EMAN TIN DI SCONDE ANTO?

Mike Eman ta nenga di contesta preguntanan pa loke ta HOFA

Den sala di parlamento despues di 2 siman atrobe nos a continua cu e reunion publico cu a cuminsa dia 28 di augustus 2025 y a keda geschorst pa AVP por bay analisa e concepto di ley, cu a continua 2 luna despues dia 28 di oktober y keda geschorst pa Minister Gerlien Croes por a bay Hulanda pa 2 dia bin bek y dos siman despues dia 10 di november 2025 porfin nos por continua y finalisa un reunion asina importante pa nos pais. Lastimamente nan ta atende cu e ley mescos cu nan ta atende cu e reunion. Ningun importancia, ningun prioridad y sigur ningun urgencia. Anto cu un asunto asina esencial pa futuro di nos pais gobierno ta keda sin contesta preguntanan y duna informacion necesario.

Como parlamentario mi a keda hopi decepciona con Prome Minister (PM) Mike Eman ta atende cu parlamento. Den mi di dos tanda mi a inicia bisando Presidente di Parlamento di esaki. Mi tabata hopi decepciona pasobra cu despues cu mi a haci PM Mike Eman solamente 4 pregunta den ira tanda dia 28 di oktober, cu mi a ripitinan den vraagpunt awe dia 10 di november 2025 y djei den un punto di ordo un rato despues y asina mes PM Mike Eman no tin e decencia pa contesta esakinan. Presidente di Parlamento, sr Sneek, ta accepta e situacion aki sin mas y no ta haci un esfuerzo pa pidi PM pa contesta esakinan. Esaki sigur ta un situacion cu mi no kier pa continua y mi a urgi Presidente di Parlamento pa trece mehoracion den esaki.

E Consensus Rijkswet HOFA, ta mas cu un simpel ley. E ta un ley cu ta mina nos autonomia financiero aun mas y e derecho di

autodeterminacion pa loke ta trata e futuro di nos pais. Pesey mi a haci preguntanan simpel y a cuestiona e proceso encamina pa PM y a pidi'e aclaracion. Lastimamente mi no a haya contesta of reaccion. Aki bou mi ta comparti esakinan cu pueblo.

Dia 4 di juli 2025 PM Eman a indica cu a base di e concepto cu a logra yega na dje op ambtelijk niveau, nan ta bay den bestuurlijk overleg cu Gobierno di Hulanda, caminda nan ta bay delibera riba locual tin riba mesa y a indica cu cosnan por cambia. El a informa tambe cu door cu Gobierno di Hulanda a cay, nan a indica na e Staatssecretaris nobo, cu nan lo desea di sigui cu e overleg na augustus y cu despues di esaki Gobierno lo bini pa busca gevoelens di Staten ariba e concepto manera cu e ta e ora ey riba mesa prome cu entrege. Pero realidad tabata otro y pesey mi a haci e pregunta na PM Eman TA KICO A BAY ROBES?

Con a para cu e palabracion cu el a haci cu Parlamento cu nos por tin tur tranquilidad cu Gobierno no ta bay haci nada cu compromisonan pa Aruba sin cu Parlamento di Aruba a wordo scucha y sin cu Parlamento di Aruba finalmente a duna su aprobacion of su desaprobacion. Mi a pidi PM Mike Eman pa splica Parlamento y pueblo pakico y ki ora a dicide cu no ta importante mas pa Parlamento wordo scucha prome cu bay di acuerdo manera claramente e la enfatisa e importancia di esaki durante e reunion di dia 4 di juli 2025? Mi tabata kier sa tambe di PM Eman tambe ki dia e bestuurlijk overleg a inicia, con largo e la dura, y kennan a participa na esaki pa Aruba?



Pasobra nos mester ta consciente cu si mester kere e informacion cu PM Eman a duna Parlamento, nos por conclui cu den 13 dia, esta di 1 pa 13 di augustus, Gobierno AVP-Futuro a dicide pa bay di acuerdo. Ta ki negociacion esaki tabata? Un falta di seriedad total.

Otro pregunta cu mi a haci PM ta pa e splica pueblo dicon el a tuma representantenan di pueblo haci? Anto no MEP y PPA so, pero nan propio parlamentarionan. Mi a puntre dicon el a gaña parlamento y no tabatin e curashi pa anuncia nan decision di aprobacion di e contenido di consensus RW HOFA mientras nan tabatin tur oportunidad pa haci esaki na mas cu un ocasion prome cu e reunion di dia 28 di augustus 2025 pasobra nos tabatin 4 reunion publico y 1 besloten bijeenkomst entre 21 y 27 di augustus caminda nos a haci pregunta riba e RW

Hofa. Un situacion condenabel y inacceptabel.

Pa conclui pueblo mester realisa cu ainda gobierno no tin consensus di Parlamento, AVP despues di mas cu 2 luna ainda no por fiha un posicion y Mike de Meza a bisa bon cla cu e no ta para pa RW Hofa. Gobierno tabata sa cu nan no tin sosten den parlamento y pesey no a cumpli cu nan deber di consulta cu nos, cual tambe ta condenabel y inacceptabel.



UN PASO HISTORICO PA SECTOR SOCIAL: GOBIERNO TA INTRODUCI AYUDO FINANCIERO PA MUCHANAN CU MESTER DI CUIDO INTENSIVO



Ministerio di Salubridad y Asuntonan Social a organisa un sesion informativo y interactivo pa introduci ayudo financiero pa muchanan cu limitacion, cu ta destina pa muchanan cu mester di cuido intensivo. E sesion tabata parti di e esfuerso pa fortifica e sector social pa famianan vulnerabel na Aruba.

Bou di e revision di e sistema di seguridad social den cuadro di e Landspakket, Gobierno ta trahando riba un modelo mas humano, moderno y husto.

E ayudo financiero pa muchanan cu limitacion ta un paso clave pa brinda dignidad, estabilidad y sosten na famianan cu tin yiu cu mester di cuido intensivo.

E medida aki ta basa riba e realidad cu cuido intensivo ta crea situacionnan no comun pa un famia, cu merece reconocimiento, sosten y oportunidad igual.

Na aña 2021, Parlamentarionan Melvin Wyatt-Ras y Mike Eman – awe Minister di Salubridad y Asuntonan Social y Minister President– a

propone e introduccion di un ayudo financiero pa muchanan cu limitacion na Aruba. Esaki a forma e base legal pa e ayudo aki. E ley nobo ta crea seguridad y derechonan claro pa famianan cu ta depende di cuido continuo.

E ayudo financiero ta destina pa muchanan te cu 18 aña, inscribi na Censo, cu limitacion fisico, mental, psicologico of di comportamiento, cu tin mester di cuido intensivo.

E ayudo ta un sosten financiero pa e mayor/dunado di cuidu y por wordo uza pa cuidu adicional, aparato di cuidu, transporte of ahustacion na cas (rampa, gehandicaptent wc, etc.).

Ministerio di Salubridad y Asuntonan Social ta reafirma su compromiso pa sigui desaroya un sistema social mas fuerte, humano y inclusivo cu ta brinda sosten real na famianan cu tin yiu cu necesidad di cuidu intensivo.

Nos ta compromete pa sigui traha pa un pais cu ta proteha y sostene nos famianan, y cu garantiza oportunidad igual pa tur mucha, sin excepcion.



Corte di Prome Instancia 21 november 2025

Horario	Sospechoso	Acto Castigabel
08.15	G.R.J. S.R.W.B. A.G.A.E.	Uitspraak
08.30	J.J.W.	W. ta wordo acusa di ladroncia di un turista riba 23 di augustus 2025.
09.30	A.E.J.	J. ta wordo acusa di kiebro y ladroncia riba 2 di juli 2025 y 16 di juni 2025.
10.15	U.I.A.S.	S. ta wordo acusa di maltrato riba prome di oktober 2025.



Corte di Prome Instancia 28 november 2025

Horario	Sospechoso	Acto Castigabel
08.15	M.C.K. B.R.W. G.J.C.K.	Uitspraak
08.15	J.D.Q.R.	Uitspraak
08.15	C.I.R.	Uitspraak
08.45	A.J.N.M.	N.M. ta wordo acusa di tabata bende cocaine den e periodo di prome di januari 2023 te 22 di augustus 2025.

Parlamentario Endy Croes:

MUZANIN WEVER KIER PLAY WONDER WOMEN

Kier purba silencia oposicion “Si bo no kier traha den Parlamento anto bay bende payet!”

Parlamentario Endy Croes ta rechasa masha hopi e actitud infantil di Muzaninn Wever kende tin apenas 70 voto y nos sistema democratico a brind’e oportunidad un rato pa sinta den e stoel como Vice presidente di Parlamento di Aruba.

Tin un proceso ora un ley drenta Parlamento

Momento cu un Ley drenta Parlamento e tin un proceso cu mester cumpli cune. Na prome lugar e Ley mester wordo “ingeboek” den sistema y despues administratie ta mail esaki pa tur 21 Parlamentario. Despues Presidente di Parlamento of e Vice Presidente (ora e Presidente no tey) ta yama un reunion di Centrale Commissie (CC) unda tur Fraccion lo tin representacion den sala grandi pa discuti y dicidi hunto un fecha (deadline) cu Parlamentarionan por haci preguntanan por escrito entre otro na gobierno alrespecto e ley. Hopi biaha e Presidente ta propone un deadline y/of ta yega hunto na un middenweg cu mayoria ta carga. Normalmente ta bay di acuerdo cu un tempo di 2 of maximo 3 siman cual ta rasonabel. Tambe ta masha usual cu ora un ley drenta tras di merdia

y wordo ingeboek semper ta yama e reunion di CC e siguiente dia si agenda permiti of e otro dia siguiente. Pues nunca ta core yama esaki e mesun atardi. Parlamentarionan tin varios reunion nan ta atende hopi biaha pafor di kantoor tambe y/of como Fraccion ta bishita instancianan.

Muzanin kier pasa pa “Wonder Women” a actua slordig y hopi di mala fe Kico a pasa diamars ultimo? Tras di merdia a drenta un ley esta e presupuesto supletorio y pa ta exacto 2:16pm esaki a wordo ingeboek na Parlamento. Despues pa 2:21 pm a mail e Ley pa tur Parlamentario. Mientrastanto Presidente Marlon Sneek kende mainta tabata na trabou a sali merdia pa Panama pa Reunion di Parlatino. Pues Vice Presidente Muzaninn Wever di Futuro a takeover. Net 12 minuut despues di a mail tur Parlamentario e ley exactamente 2:33pm Muzaninn Wever ta manda yama un reunion di comision central (CC) cu lo cuminsa 3:30 pm pa trata fecha di cual lo bira e deadline pa haci pregunta riba e ley cu a caba di drenta. E ley no tin asina tanto urgencia y Muzaninn por a yama

e reunion aki e siguiente dia y asina garantis cu tur Parlamentarionan ta altante di e reunion y por ta presente. Unico splicacion ta cu Muzaninn a haci esaki cu mal intension purbando pa sorpresa oposicion pa oposicion no alcansa yega e reunion. Muzaninn kende sigur no tabata tin nada otro den su agenda y a caba di “take over” e batuta for di Marlon Sneek kier a hunga e rol di “Wonder Woman”. Muzaninn Wever kier rush e ley aki pa december e por bay cas mas tempran cu reces.

Muzaninn Wever no a logra su obhetivo Muzaninn Wever kier a “please” gobierno pa gana tempo y schakkel uit Fraccion di MEP pero a dal su dede. Fraccion di MEP, cu si ta traha y tin agenda yen, tabata den otro reunion. Asina mes coleganan Evelyn Wever Croes y Hendrik Tevreden a disculpa nan mes y a core sali pa bay atende e reunion di Comision Central yama contra tur regla y etica. Muzaninn a keda sorprendi cu presencia di Fraccion di MEP den tempo record. Muzaninn su proposicion tabata ta pa ningun Parlamentario haci pregunta y manda esaki como “Blanco Verslag”



pa gana tempo y ta exactamente locual nos a pensa. Un documento di 38 pagina cu a caba di drenta Muzaninn kier “buldoze” y a desea pa henter Parlamento di Aruba keda sin haci pregunta? Pa e rason aki Muzaninn y Futuro kier Rijkswet HOFA y entrega nos autonomia na Hulanda? Muzaninn cu Futuro kier pa Hulanda haci pregunta y haci e trabou cu abo a manda nan haci? Foei Muzaninn

bo ta cobra salaris di e pueblo aki pa bo mes haci e trabou pa controla gobierno. Fraccion di MEP a protesta y finalmente a gana e bataya unda Parlamentarionan ta haya 7 dia esta un siman pa repasa e documento y haci preguntanan nesesario. Parlamentario Endy Croes ta termina bisando lo siguiente “Si bo NO kier traha den Parlamento anto bay bende payet!”

Clasificados

SOLODIPUEBLO@GMAIL.COM
CEL. 585 9500

SOLLO

Eduard Pieters (PPA):

Parlamento Hubenil ta un plataforma sagrado pa forma nos futuro

Diabierna pasa, parlamentario Eduard Pieters di fraccion di PPA, tabata presente na e evento di Parlamento Hubenil den cuadro di Dia Internacional di Derecho di Mucha, cu ta un dia mundial unda ta enfatisa proteccion, igualdad y desaroyo di tur mucha. E fecha tin un peso historico: den 1989 Nacion Uni a ratifica e Convencion di Derecho di Mucha y for di 1990 e derecho fundamentalnan aki a keda reconoci mundialmente como base pa bienestar y futuro di cada mucha y hoben. Derecho di Igualdad y Enseñansa apropiada Durante e encuentro, Eduard Pieters a pone enfasis riba dos derecho cu ta fundamental y cu ta profundamente conecta cu e labor di Eduard Pieters:

1. Derecho pa trato igual – Ningun mucha no por wordo discrimina riba idioma, rasa, religion of origen. Igualdad no ta un luho; el ta un derecho.
2. Derecho pa educacion apropiada – Cada mucha mester haya enseñansa digno, accesibel y adapta na su realidad linguistico y social. Segun Pieters, derecho pa educacion y trato igual ta forma e base pa un comunidad husto y pa cria un generacion cu por crece den dignidad. “E derecho pa educacion apropiada ta hopi cerca di mi curason,” el a bisa durante e evento. Parlamento Hubenil ta mas cu djis politica. Fraccion di PPA ta expresa gran apreciacion pa e trabou cu Parlamento Hubenil ta realisa. E invitacion pa participa den e actividad di diabierna no tabata solamente algo simbolico. Esaki tabata un recordatorio di e rol sagrado cu Parlamento Hubenil tin den forma un pueblo.

Parlamento Hubenil no ta simplemente un proyecto politico; e ta un plataforma pa: desaroya pensamiento critico, fortalece liderasgo hubenil, siña tocante civismo y responsabilidad y practica un cultura di participacion activo den bo comunidad. PPA ta compromete pa sigui sostene e programanan y motiva mas hoben pa tuma parti den e workshopnan, como tambe e simanann di formacion y e sesionnan educativo cu Parlamento Hubenil ta brinda. Reflexion nacional dia 20 di november Den henter e simanaki, varios fundacion y instancia lo haci actividad relaciona cu 20 di november pa conmemora Derecho di Mucha. Esaki ta un momento pa mira nos mes den e spiel: Con Aruba ta trata nos muchanan? Con nos ta protega nan? Nos ta scucha nan? Eduard Pieters a manda un mensahe poderoso pa e hobennan presente: “No sucumbi pa presion di hende grandi si loke nan kier di bo ta contra loke ta husto. Sinti bo fuerte. Papia cla. Defende bo derecho.” Y e mensahe cu Eduard Pieters ta manda pa nos adultonan ta, cu e responsabilidad ta mes grandi. “Cada adulto mester conoce e 10 derechonan fundamental di mucha, como adulto nos mester empodera nos yunan pa nan sa cu nan bos tin balor, percura pa crea un ambiente cu yiu por crece sin miedo y lucha contra corrupcion, e abusanan di poder y nepotismo pa duna nan un futuro limpi.” Finalmente Eduard Pieters kier enfatisa cu nos como adulto y mayor mester percura pa protega nos mucha-y hobennan di Aruba. Fraccion di PPA ta reafirma su compromiso pa sigui defende nos hobennan, sigui scucha nan bos y sigui traha pa un pais unda tur yiu por crece cu dignidad y igualdad.

Nos hobennan ta futuro di nos pais. Nos obligacion ta pa guia, protega y duna nan espacio pa desaroya y briya optimalmente. Diabierna ultimo fraccion di PPA tabata presente na e evento di Parlamento Hubenil en conexion cu Dia Internacional di Derecho di Mucha proximo. Ta bay bek den tempo, raticifica na 1989 y a cuminsa 1990 a cuminsa via un comision principio fundamental a yega na derecho di mucha. Fraccion di PPA kier pone atencion na dos derecho fundamental y cu ta cerca na curason di e parlamentario Eduard Pieters, esta cu tur mucha tin derecho pa haya trato igual, pues no ta discrimina un mucha pa e idioma cu e ta papia, rasa of religion. Y tambe bo ta haya derecho pa

haya enseñansa y na forma apropiada, cu ta hopi cerca di mi curason. Fraccion di PPA ta hopi contento cu e trabounan cu Parlamento Hubenil ta haci y cu nan a invita nos riba e dia aki, unda nos a combersa cu nan tambe y nos kier sigui motiva y encurasha nos hobennan, pa nan participa y bay workshop y bay e programanan di Parlamento Hubenil. Ta bon pa enfatisa, cu Parlamento Hubenil no ta solamente enfoca riba e parti politico, pero tambe ta concentra riba formacion di un nacion. PH tin un rol hopi Sagrado y fundamental y fraccion di PPA sigur ta sostene nan den tur loke nan ta haci cu e hobennan. Dia 20 di november lo tin mas actividad na Aruba, den cuadro di Derecho di Mucha y ta algo pa nos

reflexional y wak con Aruba ta tratando nos muchanan y nos hobennan. E hobennan mester sigui persevera y no sucumbi pa loke hende grandi kier bisa bo, si den e sentido cu ta algo malo, abo para pa bo mes y no tene miedo pa vocifera loke bo ta pensa. P'esey ta importante pa nos mucha- y hobennan sa nan derechonan. E mensahe pa nos adultonan ta, pa nan sa e 10 derechonan di mucha cu ta e principionan fundamental pa nan desaroyo y pa nos respeta esey. Logicamente como mayor y adulto, nos mester sa con pa empodera nos mucha y hobennan pa nan no tin miedo, kere den nan potencial ta hopi importante pa nos lanta un sociedad cu ta kere den su mes, cu ta bringa corrupcion y nepotismo.

CROSSWORD

WORD SEARCH PUZZLE



Birds

CROSSWORD PUZZLE








ACROSS

2. Big Bird's color
5. parts of a bird's body used for flying
7. birds eat these long thin animals that live in the ground
11. another word for beak
12. the musical sound of a bird call
15. a tall plant that birds use to rest in and for food
16. This small bird comes in many colors, likes seeds, and has a cheerful song.
17. a big blue space above the Earth
18. a swimming bird
19. a bird lays its eggs and takes care of its young in this

DOWN

1. a wing's movement when flying
3. shell-covered oval objects laid by birds
4. animals with wings, feathers, and beaks
6. a bird that is dark gray with an orange breast
8. small things birds eat that come from plants
10. the hard pointed part of a bird's mouth
14. to move through the air using wings

Carta abierta na miembronan di CAPA

Erosion di e Berdad den CAPA 251118

Prome, e acusacion di CAPA, e cooperativa di miembronan di SEPPA, pa lanta un caso contra mi persona, mientras e comunicado ta di Comision 11 cual a sali publica den un matutino no ta correcto. Tur otro medio a publica e comunicado como algo di Comision 11. M a splica Juez esey, tambe e juez a ricibi copia di e comunicado, cu e ta di Comision 11.

Tur envano. E matutino a splica mi cu a publica e comunicado como algo di Wolff, pasobra di Wolff so nan tin un potret.

Juez no ta comprende ki ora notula ta valido.

Mi ta cuminsa cu e posicion di Comision 11 cu directiva di CAPA kier tapa tur cos den e ladronisia di F 382.000,= dor di no kier duna informacion riba e Ladronisia grandi aki, cu ta placa di miembronan.

Den e RGA (Reunion General Anual) di CAPA na 2023 a duna solamente informacion cu tabatin un ladronia di F382.000,= na 2022, informacion clave con ladronia a sosode no a ser duna, ni den e RGA di 2024.

E juez ta scirbi cu CAPA a muestra cu informacionnan fundamental cualnan ta poni den e Notulanan di RGA (Reunion General Anual) di CAPA na 2023 y 2024. Cu prueba mi a muestra e Juez durante e tratamento di e caso, cu den e notulanan di RGA 2023 aproba den e RGA di 2024, poni den e Revista RGA 2024 pagina 7 y 8, bao e titulo, 3. Relato Reunion General 9 november 2023, no tin nada scirbi ariba e Ladronisia di F 382.000,=. E relato=notula di RGA-2024 no a ser presenta ainda. Esaki ta sosode den e RGA 2025, cu ainda no a tuma lugar. Mi a splica e juez bon cla kico ta pasando akinan. E unico notulanan di RGA ta esnan aproba den un RGA, cual pa tur hende cu sa, ta logico tambe. Pero ya, e Juez no ta comprende esaki, pero ta pone den su exigencia pa mi rectifica cu den e notulanan

di RGA 2023 y 2024 tin debido informacion.

Loke a pasa durante e tratamento di caso ta, un miembro di Directiva di CAPA, contra tur regla a bay te na e lessenaar di Juez, cu e asina yama notulanan di e RGA-nan di 2023 y di 2024, traha dor di un persona y cual notulanan ficticio di RGA-2023 no a ser aproba den RGA-2024. Esun di RGA-2024 tampoco, pasobra e RGA 2025 no a tuma lugar ainda, no por ta aproba. E ta straño ora Juez no ta comprende kico ta un notula aproba y otronan no-aproba. Mi persona treciendo e berdad cu e notula di RGA-2023 aproba den RGA 2024 no ta ser acepta y mi ta wordo castiga y mester rectifica.

Tapamento di Cos ta hopi.

Ademas pa loke ta tapamento di Cos, hopi a sosode. Durante e tratamento di e caso den corte mi a trece por escrito y papiando hala di informacionnan concreto cu nos di Comision 11 kier sa con e ladronia a sosode, kico a pasa. Juez no ta menciona nada. Ta bon pa mi trece encorto e caminda di cruz cu Comision 11 a pasa aden pa motibo di tapamento di cos dor di directiva di CAPA, pa e registro. Na 2024 nos a perde lunanan pa busca informacion di directiva, sin resultado.

Nos a pidi directiva un reunion pa duna splicacion. No a ricibi un contesta;

Nos a bay oficina di CAPA pa pidi e registro, e ta para den statuton, pero nos no a ricibie.

Nos a perde 13 luna den corte pero alfin, alcabo, a logra gana e caso pa ricibi e registro;

Nos a perde dos luna, ya cu un meneer D, den nomber di directiva di CAPA a bisa comision 11 via carta cu CAPA a apela e caso, locual a resulta un gañamento;

Directiva di CAPA ta sigui insisti cu nan a apela e caso;

Despues Comision 11 mester a paga pa nos a logra di ricibi e prueba, cu CAPA no a apela e caso. Cu e prueba den man, nos a muestra directiva di CAPA

cu CAPA no a apela e caso y cu nan ta desfuncional, pasobra nan no sa kico nan consehero huridico ta haci. Por fin nos por ricibi e registro, pero e registro cu CAPA kier duna no ta cuadra cu e veredicto y ta incompleto;

Awor e meneer D. ta hunga pa Juez y ta haci manera cu meneer D ta determina kico ta berdad, dor di hala directiva di CAPA un banda y bisa cu e ta representa directiva di CAPA y loke nan a ofrece Comision 11 ta keda arriba mesa y cu directiva di CAPA no ta bay perde mas tempo ariba e registro, pues ta tranca tur cos. Meneer D ta e ex-abogado cu a comete algo pisa, bay cera pa algun siman y despues saca malamente for di Orden di Abogadonan

Pa tur hende ta bisto cu aki tras tin cosnan escondi = tapamento di cos, den e Ladronia di

F 382.000,=, pero den e caso den corte e Juez ta pensa otro, ta mi persona mester rectifica ya segun e, Directiva di CAPA a duna tur informacion y cu directiva di CAPA no ta tapa cos.

Un Antecedenten-onderzoek hopi straño

Den RGA-2024 di CAPA, sr M.G. Croes a bay te dilanti M.Brito, tesorero di CAPA y tambe e vocero di CAPA puntrando sra M. Brito si a screen e Persona cu ta ser considera como e malhechor, ora e a drenta servicio di CAPA, esta loke nos ta yama Antecedentenonderzoek. Hopi presente na e Reunion General a tende cu e Tesorero a bisa cu "esey a skip nos". Den corte, segun e Juez, Directiva di CAPA ta bisa cu esey nunca a sosode y e Juez a bisa cu Wolff no a duna mas splicacion profundo pa defende e ponencia di sr Croes. Con pa mi duna mas splicacion. Wak kico Juez ta bisa den punto 4.18:

"Ook heeft Wolff onvoldoende onderbouwd dat de Penningmeester van CAPA, mevrouw Brito tijdens een algemene vergadering zou hebben verklaard dat het

antecedentenonderzoek van de hoofdverdachte bij de diefstal is overgeslagen. Volgens Wolff is Croes tijdens de Algemene Vergadering van 2024 naar voren gestapt, heeft hij de penningmeester gevraagd waarom er geen antecedentenonderzoek is gedaan en zou de penningmeester hebben gezegd dat dit is overgeslagen. CAPA heeft dit echter ontkend en Wolff heeft die stelling van geen enkele nadere onderbouwing voorzien. Bovendien heeft CAPA aangevoerd dat er wel degelijk antecedentenonderzoek is gedaan en ter onderbouwing van die stelling heeft zij een verklaring omtrent het gedrag van mevrouw J. Jacopucci van 1 september 2022 overlegd. Hoewel niet is gebleken dat Wolff ten tijde van de publicatie van dit artikel over deze informatie beschikte, vormt het een sterke aanwijzing dat er wel een antecedentenonderzoek is gedaan.

E abogado di CAPA ta duna Juez un antecedenten-onderzoek di e principal persona envolvi den e ladronia di F 382.000,=, pero no a duna e contra-partido, Wolff, un copia di e antecedenten-onderzoek. Wolff a pidi e abogado di CAPA mr L Emerencia pa un copia di e antecedenten-onderzoek, pero no a ricibie. E abogado di CAPA a bisa cu e lo



Carta abierta na miembronan di CAPA

Erosion di e Berdad den CAPA 251118

manda Wolff un copia via email. Despues di como 5 peticion na e Abogado, Wolff no a ricibi ningún antecedenteonderzoek. Di con e asunto aki ta mustra fishy?

1. Nos ta sinta/para como 3 pa 4 meter for di e Juez, pues Juez sa cu SWolff no a ricibi e antecedenteonderzoek di e abogado di SEPPA, toch e ta scirbi: "Hoewel niet is gebleken...."

2. Normalmente y correctamente un antecedenteonderzoek ta sosode ora un persona ta drenta den servicio di CAPA. Den e caso aki, e sra encuestacion a drenta servicio di CAPA na 2021 o 2020. Hortamento di F 382.000,= a sosode for januari pa Aug/Sept 2022.

Loke e Juez a scirbi ta cu e antecedenteonderzoek ta di september 2022, esta na final o despues cu e ladroncia di F 382.000,= a tuma lugar.

3. Juez a ricibi e antecedenteonderzoek durante tratamiento di e caso y normalmente, e contrapartido den corte, esta Wolff tambe mester a ricibie, pero no a sosode. Juez a wak cu Wolff no a ricibi e antecedenteonderzoek.

4. Abogado Emerencia a mustra mi e, no a duna mi un copia y e juez no a existi pa mi ricibie, como e contrapartido.

5. E Abogado a duna palabra dilanti Juez cu e lo manda Wolff un copia via email. Cual te awe no a sosode, a pesar di como 5 peticion na e abogado pa e cumpli cu su palabracion.

Hopi tricky!! Ta di lamenta cu e Juez no a capta cu e antecedenteonderzoek ta di september 2022, esta na final o despues di e ladroncia, no na momento o prome cu e persona a drenta servicio di CAPA. Pero Juez si ta uzele como referencia pa castiga mi persona cu un rectificacion. Esaki ta HOPI MAHOS.

Tocante e 7 casonan y e caso huridico perdi dor di CAPA, contra un banco local.

Comision 11 a declara den e comunicado cu tin 7 casonan

contra personanan enolvi y e caso perdi dor di CAPA contra un Banco, cu Comision 11, tambe miembronan no a ricibi informacion ariba e casonan aki. Comision 11 ta bisa cu e informacionnan aki a sali for di e abogado di CAPA den otro caso vs directiva CAPA. Ademas ta directiva di CAPA mes a declara den e revista di Reunion General di 2023, ariba pagina 6, cu tin casonan andando y tin un caso grandi contra un banco.

Comision 11 a pone e asuntonan aki den e comunicado pa directiva aclaria kico ta pasando. Den e comunicado, comision 11 a pidi informacion ariba e casonan aki. Miembronan cu ta doño di e placa horta, no ta ricibi informacion adecua, cual ta causando inketud. Juez no ta comprende e asunto aki, cu e placa horta di F382.000,= ta di miembronan y cu miembronan ta busca informacion y directiva di CAPA tin e obligacion di duna informacion, pero no a duna ningun informacion. Juez ta bisa cu Wolff a trece un "onvoldoende feitelijke onderbouwing" pa e caso contra e banco, di informacion ariba 7 casonan, segun e Juez "ontbeert naar voorshands oordeel dus feitelijke grondslag", despues facilmente y inexplicable Juez ta dicta cu Wolff mester Rectifica.

AYNO, Ta den e revista di CAPA mes ta scirbi cu tin e casonan y tambe e caso contra e banco, pero no a duna informacion di esakinan mientras nan tin e obligacion pa duna informacion na miembronan. Di unda e Juez ta saca "onvoldoende feitelijke onderbouwing" y "ontbeert feitelijke grondslag", di mi banda arriba e casonan den corte y e Juez mesora ta castiga mi pasobra, comision 11 a pidi informacion di directiva. NO POR!!!

Reunion general anual 2025 di CAPA

Mi a ricibi un convocacion pa un reunion general 2025, hopi bruha. Di con, e RGA 2025 ta ser yama pa un directiva di CAPA cual segun e statutonnan nobo desde

25 november 2024 no ta existi mas. Tambe e convocacion segun articulo 21, lid 3, no ta correcto. Si e reunion ser convoca dia 28 oktober, e mester tuma lugar pa dia 12 november 2025 o despues. Pa dia 12 november 2025, Miembronan no a ricibi ningun informacion.

Si e reunion di dia 12 november 2025 no tin quorum ta sigui 14 dia despues, esta dia 26 november 2025 o despues. E reunionnan convoca pa dianan 10 y 24 november no ta segun statutonnan, esta ta ilegalmente yama. Awor e dolor ta Sali. Comision 11 den e RGA 2024 na september 2024 via un mocion a pidi pa wanta reunion pa miembronan studia e cambio di statutonnan mihor, ya cu cierto miembronan a ricibi e cambio di statutonnan un dia prome cu reunion, otro miembronan a ricibi esaki dia di reunion, pues no tabatin un debido preparacion pa e cambio di statutonnan. Ademas e directiva rechasa no a yama ningun reunion informativo pa splica e cambionan di statutonnan, cualnan ta bastante drastico. Esaki ta e dolor awe. Mester cumpli cu statutonnan y yama e RGA-2025 di nobo.

E dirigentenan nobo cu bon estudio y preparacion.

E pregunta grandi ta kico ta pasando cu e dirigentenan nobo cu a wordo eligi den e Reunion General na april ultimo. Di con nan no a wordo poni den funciona ainda? Kendenan ta tarda e proceso, directiva, Banco Central o tin otro motibo? Mester bini un claridad, ya cu 8 luna ta bay pasa. Den e eleccion na cuminsamento di april ultimo, tur e miembronan di directiva anterior cu a pone nan mes como candidato, na cabes Magaly Brito, democraticamente y den forma nechi, nan a wordo rechasa formalmente dor di miembronan di CAPA.

E dirigentenan nobo tur cu preparacion academico, a ser eligi, cual ta un indicacion fuerte cu futuro di CAPA ta sigura. Lidernan hoben cu bon preparacion pa

haci tremendo trabao den nos cooperativa CAPA.

Pa e motivo aki, e miembronan di e directiva bieu mester hala un banda, miembronan a rechasa bosonan, laga e dirigentenan nobo, kendenan ta bon prepara, tuma over.

Informacionnan y preguntanan adicional arib e ladroncia di F 382.000,=

1. Con e malhechor por a ricibi aseso na e cuenta di banco di Nos Cooperativa CAPA;

2. E pregunta ta si tin hende di paden, cu a yude o tabata dejado, esta no a cumpli cu su trabao, pa e Malhechor tin aseso na e cuenta di banco di CAPA, anto hopi biaha;

3. Pakico miembronan di Comision 11=miembronan di CAPA no por wak e Investigacion Forensico y e investigacion di Ministerio Publico.

4. Di con tesorero no ta tuma un ehempel, manera a sosode na hopi ocasion, ora ta trata di un tesorero integro, kende ta pidi su retiro, si tur cos wordo aclaria y e no ta carga ningun culpabilidad, ta regresa den su funcion.

5. E lucha di Comision 11 pa busca e berdad den e LADRONCIA DI F 382.000,=, ta sigui.

Clasificados





SOLODIPUEBLO@GMAIL.COM

CEL.585 9500



Otami Thomasia, Miembro di Parlamento (AVP): Tradicion mester sigui evoluciona: NOS TIN CU PENSA RIBA BIENESTAR DI NOS MUCHANAN

ORANJESTAD (18 di november 2025) – Miembro di Parlamento pa AVP, Otami Thomasia, ta duna claridad tocante su reaccion relaciona cu e situacion di diadomingo durante e celebracion di Sinterklaas y Zwarte Piet. Segun Thomasia, su preocupacion y disgusto ta contra elementonan den e tradicion cu por crea un imagen ofensivo y malo pa mucha y adulto igual. Thomasia, kende a crece na San Nicolas y ta “di pariba di brug”, ta bisa cu e no ta di acuerdo cu e celebracion riba su mes, pero ta comprende con otronan ta scoge pa wak e cu mas inocencia. Si un persona kier bisti cu e paña tradicional, esey ta su derecho, pero ora bo agrega atributonan cu ta indica raza—como peluca, color preto intenso, lipnan cora—ey si ta pasa un liña,” e ta splica. E parlamentario di AVP ta enfatisa cu no por ignora e simbolismo tras di e rasgonan visual ey.



Segun Thomasia, esaki ta crea mensahe subliminal cu por duna mucha un sentimento di inferioridad. Te dia di awe e ta duna pia pa hopi termento na scol, muchanan cu ta sinti cu ta sinti cu nan ta menos, pa e color di nan cuero y cu, cu tempo, por hiba na problema di salud mental. “Ami mes ta un persona di color cu ta para firme riba su identidad. No tin nada di mi cu ta bisa cu mi tin un compleho, pero awo mi ta carga un funcion caminda mi por papia pa hopi cu no tin plataforma of voz.”

Thomasia ta pidi comunidad pa bay riba e post di media social di declaracion y lesa e comentaronan cu a bin, pasobra segun e, nan ta revela e realidad cu no por keda scondi; e realidad di con y kico hopi hende ta pensa ainda.

“E criticanan ta muestra claramente dicon e tradicion, den su forma actual, no ta pas mas. Nos a drenta 2025; nos rumbo mester cambia. Tradicion mester evoluciona pa ta inclusivo y pa honra tur mucha, sin exclui, ni ofende.”

E ta aclaria cu su comentario no ta dirigi contra Minister Mike Eman of e team cu a organisa e evento, pero si ta recorda cu tin un palabracion ya pa un par di aña pa pinta e pietnan na diferente color. “Si un hende sa cu e simbolo ta ofensivo y toch ta scoge pa schmink su cara preto,



e ta haci un decision personal. Pero nos, como comunidad, tin cu wak mas leu.

Diadomingo ultimo no tabata e prome presentacion di e grupo y den pasado a respeta e acuerdo di e manera con Piet mester muestra. Asina mes, y sin cu e organisadonan tabata consciente, a scoge pa uza toch e apariencia cu mayoria a rechasa. Esaki ta bisa hopi di e falta di empatia cu ainda tin pa esunnan cu no ta sinti comodo cu e tradicion, of cu ta sinti afecta pa motibo cu su simbolismo ta carga un dolor historico. Un decision asina no ta inocente; ta muestra cu e sensibilidad di otro no ta tuma na cuenta.

Thomasia ta conclui cu un yamada pa wak dilanti y pensa riba e generacion nobo. “Aruba, pensa pa nos muchanan. Nos tin hopi otro celebracion bunita cu nos por amplia: Dia di Mucha, por ehempel, por bira un fiesta

na gran escala, un evento di alegria y union. Ta ora pa tradicionnan

nobo cu ta inclusivo, cu ta refleha ken nos ta como pueblo.”

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - November 19, 2025	
CATOLIC Sorteo # 4808 7509 3887 9862	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00	Joker Letter Proximo Jackpot 300.000,-	
X2 BIG 4 Sorteo # 4808 4225 X2	LOTTO DIA Sorteo # 0 x Jackpot 0 x Match 4 0 x Afl. 8.00	Proximo Jackpot 87.000,-	
YFF Sorteo # 2864 7803	MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00	Mega Ball Proximo Jackpot 260.000,-	
ZODIAC Sorteo # 4808 5349 Aries	MEGA Afl. 360.000,-		
LUCKY 3 Sorteo # 1682 446 X3	KORSOU Sorteo #		

ARUBA TANG SOO DO FEDERATION Y GIHAEE TANG SOO DO STUDIO KIER FELICITA CORDIALMENTE SU ALUMNONAN CU A LOGRA PASA NAN EXAMEN EXITOSAMENTE DI BLACK BELT 1STE DAN Y 2DE DAN DIASABRA 8 DI NOVEMBER 2025



Alina van Oosten a pasa su examen pa Black Belt 2de Dan, hunto cu seis alumnonan cu a logra pasa nan examen pa Black Belt 1ste Dan:

Nancy Kelly, Daphne van der Deure, Kylee Thomas, Ava Figaroa, Daniël Cabenda y Shantwan Kock.

E alumnonan a completa un examen di teoría y filosofía di Tang Soo Do, sigui pa un examen practico cu un duracion di 5 ora intensivo. Na final di e examen practico, cada participantenan tabata mester defende su scriptie, un parti esencial di e proceso pa Black Belt.

Aki 6 luna despues di un tempo di prueba e atletanan lo ricibi nan resultado y nan certificado y faha di nan examen.

Nos kier felicita di curason tur nos alumnonan pa nan tremendo esfuerzo y disciplina riba vloer, y tambe nan mayor y famia cu semper ta sostene nan yiunan den e deporte di Tang Soo Do.

Masha, masha pabien

cu un logro asina grandi y a musta e berdadero Spirito Indominabel di Tang Soo Do!

Gihae Tang Soo Do Studio ta gradici sinceramente su instructornan Sah Bum Nim Melissa Noguera, Bo Sah Bum Nim Aymon Kelly, y Bo Sah Bum Nim Rodney Thomas pa nan dedicacion y apoyo constante den e preparacion pa e examen aki, asina como tur e team di Black Belt cu a yuda durante e trainingnan y e examen mes.

Gihae Tang Soo Do Aruba ta anuncia cu nos lo cuminsa cu Ladies' Practical Self-Defense training.

E training aki tin como meta pa empodera damas y muchanan muher hoben, pa medio di training di tecnicanan practico di defensa personal di Tang Soo Do, cu por wordo aplica den situacionnan real di bida. Partisipantenan lo wordo guia pa medio di metodonan efectivo pa amplia nan conciencia, fortifica nan confianza, y aumenta nan habilidad pa defende nan mes ora

necesario.

Gihae Tang Soo Do ta ricibi alumnonan di 3 aña bay ariba pa forma parti di nos programa di entrenamiento pa tur edad, e programa ta dividi den varios grupo pa garantiza cu tur estudiante por desaroya na un nivel adecuado pa nan edad y habilidad:

- Tiny Tigers: 3 – 4 aña
- Little Dragons: 5 – 7 aña
- Youth Warriors: 8 – 12 aña
- Teen Leaders: 13 – 17 aña
- Adult Program: 18 aña bay ariba

E estructura di edad ta permiti cu cada estudiante ta ricibi training adapta riba disciplina, coordinacion, confianza, defensa personal y desaroyo fisico den un ambiente sigur y positivo.

Alaves nos kier invita pueblo di Aruba pa bin conoce nos deporte na nos competencia nacional dia 6 di December 2025 na Centro Deportivo Betico Croes conoci tambe como

Sportal cuminsando for di 9:00 di mainta pa 4:30 di atardi, entrada ta gratis. Pa mas informacion di



Tang Soo Do por tuma Noguera na
contacto cu SBN Melissa 5939881.

Paga bo cuenta online ta facil



Pa hasi pago online pone number y adres na
cuenta di banco RBC Sunmax Printing
account # 7700000100152447

SOPI DI LETRANAN

Q	S	L	W	S	R	J	L	E	N	G	U	A	J	E	U	V	M	K	I
R	D	R	V	P	G	X	H	Ñ	I	G	R	L	N	R	T	D	T	U	W
V	E	R	B	O	S	X	P	P	Z	M	I	A	Ñ	A	Ñ	T	L	Q	Z
B	N	Y	K	R	T	N	M	B	H	Ñ	Ñ	C	B	Ñ	D	M	V	W	N
S	O	G	N	O	T	C	I	D	L	I	F	I	Q	M	I	Q	E	I	S
J	I	Ñ	A	D	Q	R	R	H	A	N	K	T	S	E	A	J	E	H	M
A	S	O	D	A	T	C	I	D	O	F	B	A	I	A	L	R	C	D	P
S	N	W	H	K	R	I	P	T	N	U	B	M	R	C	O	J	R	E	N
A	E	S	C	R	U	C	I	G	R	A	M	A	S	T	G	M	X	R	Y
X	R	A	A	X	C	C	O	U	L	Q	R	R	K	I	O	U	J	I	I
N	P	P	I	R	I	R	H	I	F	X	D	G	M	V	S	R	W	P	A
O	M	V	Ñ	A	E	L	S	K	Q	O	L	U	C	I	T	R	A	X	F
R	O	C	S	M	P	E	J	S	X	G	K	H	T	D	R	E	M	D	F
E	C	M	U	T	D	C	G	I	Q	A	S	X	D	A	F	O	G	K	U
N	S	N	Z	A	I	T	V	Z	O	A	E	U	K	D	J	D	Q	W	I
E	O	W	O	D	U	U	A	O	M	A	H	J	X	E	F	M	Z	Z	Q
G	T	C	F	Ñ	E	R	M	E	P	Ñ	Y	P	I	S	J	A	F	J	O
M	X	G	J	N	E	A	T	A	Q	S	Y	E	N	C	P	X	Z	X	W
O	E	B	H	X	L	Ñ	Y	X	L	R	G	Ñ	Y	U	F	W	U	B	L
J	T	G	Q	A	Ñ	R	N	M	Z	R	C	D	Y	Ñ	O	L	V	J	M

ACTIVIDADES
ARTICULO
COMPRENSION
CRUCIGRAMAS
DIALOGOS
DICTADOS
DICTONGOS
GENERO
GRAMATICA
LECTURA
LENGUAJE
NOTICIAS
NUMERO
SILABAS
TEMAS
TEXTOS
VERBOS

SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)

Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di Bo Maraviya.
Y inspira nan pa nan sigui conta na e siguiente generacion.
Amen.

PROYECTO “BAN MIDI NOS MATANAN” MUCHANAN Y HOBENNAN A CONTRIBUI Y GANA CU NATURALES A DI ARUBA

ORANJESTAD - E proyecto educativo y bon pa medio ambiente di Aruba “Ban Midi Nos Matanan”, organisa pa Directie Natuur en Milieu, Departamento di Cultura conhuntamente cu Ministerio di Asuntonan General, Cultura, Medio Ambiente y Naturalesa, den cuadro di e october vakantie, tabata exitoso! Cu un tremendo participacion di comunidad, specialmente nos muchanan y hobennan, e campaña a logra conscientisa y recauda datonan valioso tocante e pal'i matanan den naturalesa di Aruba.

E meta principal di e proyecto tabata pa stimula e participacion activo di famianan pa sali busca y registra pal'i matanan, midiendo nan troncon na 1.50 meter for di suela y registra e datonan di e mata den un encuesta online. E buskeda aki a duna resultado, caminda tur mata registra ta conta pa yuda nos naturalesa. Y awe nos ta anuncia e ganadornan di e proyecto bunita aki.

Anuncio di e Ganadornan! Despues di un periodo di registracion cu a tuma lugar entre 10 y 19 di october 2025, unda e participantenan a demostra dedicacion pa midi y registra e matanan, e organisadornan ta contento di anuncia e dos ganadornan merecedor di e proyecto “Ban Midi Nos Matanan”:

1. Den e categoria di Grupo/Organisacion:

o Ganador: Daycare Smiling Kids Center situa na San Nicolas.

o Daycare Smiling Kids Center a demostra un esfuerzo colectivo y a registra un mata di Kwihi grandi, fomentando e amor pa naturalesa entre e muchanan for di edad chikito.

2. Den e categoria di Participante Individual:

o Ganador: Danique Croes di Tanki Flip.



o Danique Croes conhuntamente cu su wela a registra e miho calidad di datonan individual, contribuyendo asina na un manera excepcional na e base di dato di e proyecto. E organisadornan ta extende nan mas sincero pabien na e ganadornan y un danki grandi na tur e participantenan cu a uni na e buskeda y a yuda haci e proyecto aki uno exitoso. Boso esfuerzo ta un contribucion grandi na e conservacion y estudio di e flora di Aruba!

Un danki na tur cu a participa pero ban sigui midi mata. E encuesta ta keda

disponibel riba nos website dnmaruba.org y e link riba nos plataforma di Facebook. E trabounan di DNM ta continua y tin como meta pa sigui encurasha comunidad pa aporta na un manera di ciencia participativo di comunidad pa midi mas mata. E data ricibi for di e encuesta ta un herment importante pa DNM (Departamento di Naturalesa y Medio Ambiente) monitoria e salud y estructura di e ecosistemanan di e pal'i matanan na nos isla. E proyecto a enfatisa con important'e ta pa conecta cu mata door di “Brasa e mata y midi su gordura” pa asina

nos por compronde miho e crecemento di e matanan den nos mondan.

DNM, DCA y Ministerio di Asuntonan General, Cultura, Medio Ambiente y Naturalesa ta gradici nos partnernan cu a aporta na un manera of otro cu e proyecto. Biblioteca Nacional, Aruba Conservation Foundation, tambe Setar y Top One Toys pa e premionan. E organisadornan ta spera cu e exito di e prome edicion aki di “Ban Midi Nos Matanan” lo inspira mas persona y organisacion pa sigui tuma un rol activo den proteha nos bunita naturalesa di Aruba.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo